

2 Góa ài lín chai, ūi tiòh lín kah hiahê Lâutíkiah lâng, íkíp sôu m̄ bat kìⁿkòe góa ê bīn ê lâng, góa sī gōanìh phahpiàⁿ teh chengchiàn. ² Góa ê bóktek sī beh hō in ê sim tit tiòh kóilē, ē tàng ēng thiàⁿsim thoánkiat ittì, ēng honghù ê líkálèk sánseng kàugiáh ê sìnsim, thang hō in jīnbat SiōngChú ê òpì, iā tòh sī Kitok púnsin. ³ Tī Kitok lāibīn ū únchông itchhè tìhūi kah tìsek ê póchông.

⁴ Góa áne kóng, sī ūi tiòh biántit lín siū hoagiân khágí ê bêhék. ⁵ Suijiân góa lâng bô tī lín hia, sim khiok kah lín tôngchāi. Khòⁿkìⁿ lín ê sengoáh kuikui kíkí, koh kiantēng síngkhò Kitok, góa kámkak huisiông hoaⁿhí.

Chhògō ê Koanliām Uhiáp Kàuhōe

⁶ Lín kijiân chiapláp Chú Kitok Iésu, lín tòh engkai kèsiók tī lāibīn kiàⁿtáh, ⁷ chiàu lín só siū ê kàsi, tī Kitok lāibīn tēngkin, sēngtióng, hō sìnsim tit tiòh kiankò, koh móasim kámsiā.

⁸ Lín tiòh kínsīn, biántit hō lâng ēng hihàm ê tiathák ká lín bêhék, inūi hiahê lūnsoat sī kinkì lâng ê thoánsoat kah chiphòe sèkan ê kipún goânchek, m̄ sī kinkì Kitok. ⁹ Inūi SiōngChú oânchéng ê sìnsèng lóng kũthéhòe tiàm tī Kitok lāibīn, ¹⁰ jīchhiáⁿ inūi lín kah Kitok kiatliân, sói lín mā tit tiòh hongsiēng ê sèⁿmiā. l sī itchhè thóngtichiá kah chiángkoánchiá ê thâu.

¹¹ Lín mā íkeng tī Kitok nih chiapsiū katlé; che m̄ sī ēng lâng ê chhiú lâi kiàⁿ ê katlé, sī thongkòe Kitok, hō lín thoatlī jiòkthé chōesèng ê katlé. ¹² Lín kijiân tī niásiū sélé ê sí, ū kah Kitok chòhóe bâichông, áne, lín mā ē inūi sélé, thongkòe sionsìn SiōngChú hō Kitok tùi sílàng tióng kohoáh ê tōa koánlêng, lâi kah Kitok chòhóe kohoáh. ¹³ Lín íchêng inūi hōanchōe, jīchhiáⁿ jiòkthé bô siū katlé, sói tī lēngsèng siōng sī sí ê, m̄ koh, SiōngChú khiok hō lín kah Kitok chòhóe kohoáh. SiōngChú íkeng siàbián lán sóu ê

2 我 ài lín 知，為 tiòh lín kah hiahê 老底嘉人，以及所有 m̄ bat 見過我 ê 面 ê 人，我是 gōanìh phah 拚 teh 爭戰。 ² 我 ê 目的是 beh hō in ê 心得 tiòh 鼓勵， ē tàng 用疼心團結一致，用豐富 ê 理解力產生夠額 ê 信心， thang hō in 認 bat 上主 ê 奧祕，也 tòh 是基督本身。 ³ Tī 基督內面有隱藏一切智慧 kah 智識 ê 寶藏。

⁴ 我 áne 講，是為 tiòh 免得 lín 受花言巧語 ê 迷惑。 ⁵ 雖然我人無 tī lín hia，心卻 kah lín 同在。看見 lín ê 生活規規矩矩， koh 堅定信靠基督，我感覺非常歡喜。

錯誤 ê 觀念威脅教會

⁶ Lín 既然接納主基督耶穌， lín tòh 應該繼續 tī 祂內面行踏， ⁷ 照 lín 所受 ê 教示， tī 基督內面釘根、成長， hō 信心得 tiòh 堅固， koh 滿心感謝。

⁸ Lín tiòh 謹慎，免得 hō 人用虛 hám ê 哲學 ká lín 迷惑，因為 hiahê 論說是根據人 ê 傳說 kah 支配世間 ê 基本原則， m̄ 是根據基督。 ⁹ 因為上主完整 ê 神性 lóng 具體化 tiàm tī 基督內面， ¹⁰ 而且因為 lín kah 基督結連，所以 lín mā 得 tiòh 豐盛 ê 性命。祂是一切統治者 kah 掌權者 ê 頭。

¹¹ Lín mā 已經 tī 基督裡接受割禮；這 m̄ 是用人 ê 手來行 ê 割禮，是通過基督， hō lín 脫離肉體罪性 ê 割禮。 ¹² Lín 既然 tī 領受洗禮 ê 時，有 kah 基督做伙埋葬， áne, lín mā ē 因為洗禮，通過相信上主 hō 基督 tùi 死人中 koh 活 ê 大權能，來 kah 基督做伙 koh 活。 ¹³ Lín 以前因為犯罪，而且肉體無受割禮，所以 tī 靈性上是死 ê, m̄ koh, 上主卻 hō lín kah 基督做伙 koh 活。上主已經赦免咱所有 ê 罪過， ¹⁴ 擦消 hiahê 對咱不利，而且 tī 律法上 teh 束縛咱 ê 罪債記錄；祂 ká 它釘 tī 十字架頂，來 ká 它廢除。 ¹⁵ Tī 十

chōekò, ¹⁴ chhatsiau hiahê tùi lán putlī, jíchhiáⁿ tī lúthoat siōng teh sokpák lán ê chōechè kílòk; I kā i têng tī sǐpjìkè téng, lâi kā i hùitû. ¹⁵ Tī sǐpjìkè téng, Kitok chhinchū káitû hiahê thóngtīchiá kah chiángkoânchiá ê koânsè, kā in kongkhai bújiók sīchiòng, koh ēng áne lâi khoaiāu.

¹⁶ Sǐ, lín m̄ thang hō jīm̄hō lāng kinkì lín ê limchiáh, á sī siú chehkî, sin goéh¹ kah Anhiohjit chiahe tāichì lâi phoephòⁿ lín. ¹⁷ Chiahe lóng kantaⁿ sī chionglâi ê tāichì ê iáⁿ, Kitok chiahe sī sítthé. ¹⁸ M̄ thang hō hiahê kéchò khiampi, koh kèngpài thiⁿsài ê lāng toátkhì lín engkai tit tiòh ê pòsiúⁿ; hiahê lāng tĩmbê tī in ê hoànsióng tiong, chiàu in jiòkthé ê siūⁿhoat teh chūko chūtāi. ¹⁹ In bô kèsiók kah kauhōe ê thau — Kitok bítchiat kiatliân. Sūsít siōng, choân sengkhu tiòh tùi chitê thau tit tiòh êngióng, chiahe koanchat kah kinlòk mā tiòh hōsiong kiatliân, koh chiàu SiōngChú ê chí lâi sēngtióng.

Kah Kitok Tāng Sí Tāng Oáh

²⁰ Lín kijiân kah Kitok tāngchê sí, íkeng thoatlī chi'phòe sèkan ê kipún goânchek, sī ánhóaⁿ lín iáu koh chhinchhiūⁿ siók chit sèkan ê lāng teh sengoáh? Lín ná ē iáu koh teh chhĩsiú ²¹ "M̄ thang théh", "M̄ thang chiáh", "M̄ thang bong" chiahe kuilē leh? ²² Chiahe chíputkò sī lāng siatlip ê kuilē kah kāsī, ēng liáu tòh bô lōēng. ²³ Tùi piáubīn khòⁿ khilâi, kèngpài thiⁿsài, kéchò khiampi, gékthāi kakī ê sengkhu téngténg, kahná sī ū tihūi, kísit tùi khòngchê jiòkthé ê chēngiók lóng bô lōēng.

字架頂，基督親自解除 hiahê 統治者 kah 掌權者 ê 權勢，kā in 公開侮辱示眾，koh 用 áne 來誇耀。

¹⁶ 所以，lín m̄ thang hō 任何人根據 lín ê lim 食，á 是守節期、新月 ¹ kah 安歇日 chiahe tāichì 來批判 lín。 ¹⁷ Chiahe lóng kantaⁿ 是將來 ê tāichì ê 影，基督 chiahe 是實體。 ¹⁸ M̄ thang hō hiahê 假做謙卑，koh 敬拜天使 ê 人奪去 lín 應該得 tiòh ê 報賞；hiahê 人沉迷 tī in ê 幻想中，照 in 肉體 ê 想法 teh 自高自大。 ¹⁹ In 無繼續 kah 教會 ê 頭 — 基督密切結連。事實上，全身軀 tiòh tùi chitê 頭得 tiòh 營養，chiahe 關節 kah 筋絡 mā tiòh 互相結連，koh 照上主 ê 旨意來成長。

Kah 基督同死同活

²⁰ Lín 既然 kah 基督同齊死，已經脫離支配世間 ê 基本原則，是 án 怎 lín iáu koh 親像屬 chit 世間 ê 人 teh 生活？Lín ná ē iáu koh teh 持守 ²¹ 「M̄ thang théh」、「M̄ thang 食」、「M̄ thang 摸」 chiahe 規例 leh？ ²² Chiahe 只不過是人設立 ê 規例 kah 教示，用了 tòh 無路用。 ²³ Tùi 表面看起來，敬拜天使、假做謙卑、虐待 kakī ê 身軀等等，kahná 是有智慧，其實對控制肉體 ê 情慾 lóng 無路用。

¹ Sin goéh (new moon) sī lúthài lékhoat tiong, múi kògoéh ê thau chit jít (iā tòh sī "chheit") ; lúthài lāng kā i khòⁿ chò sī sèng jít.

¹ 新月 (new moon) 是猶太曆法中，每個月的頭一日 (iā tòh 是「初一」) ; 猶太人 kā 它看做是聖日。